

## Kuongozwa sala ya toba.

---

Ikiwa leo upo tayari kufanya uamuzi wa kumgeukia Yesu Kristo, na kutaka akuokoe na kukusamehe dhambi zako kabisa, Basi ni uamuzi wa busara sana ambao, utaufurahia maisha yako yote, kama ilivyokuwa hata kwetu sisi. Kumbuka..

- Kwa Yesu lipo tumaini la uzima wa milele.
- Kwa Yesu Unapata utulivu wa nafasi na faraja. Alisema.

*Mathayo 11:28 “Njoni kwangu, ninyi nyote msumbukao na wenye kulemewa na mizigo, nami nitawapumzisha.*

*29 Jitieni nira yangu, mjifunze kwangu; kwa kuwa mimi ni mpole na mnyenyekevu wa moyo; nanyi mtapata raha nafsini mwenu;*

*30 kwa maana nira yangu ni laini, na mzigo wangu ni mwepesi”.*

- Kwa Yesu zipo Baraka.
- Na kwa Yesu upo msahama wa kweli:

*Isaya 1:18 “Haya, njoni, tusemezane, asema Bwana. Dhambi zenu zijapokuwa nyekundu sana, zitakuwa nyeupe kama theluji; zijapokuwa nyekundu kama bendera, zitakuwa kama sufu”.*

Kwa hiyo unapokuja kwake leo hii kwa kumaanisha, ujue kuwa hiyo mizigo ya dhambi uliyonayo haijalishi ni mingi kiasi gani ataitua mara moja, haijalishi uliuwa watu wengi namna gani, haijalishi ulizini nje ya ndoa mara nyingi kiasi gani, haijalishi ulikwenda kwa waganga mara nyingi namna gani..Ikiwa tu upo tayari leo kumkaribisha Yesu moyoni mwako basi ataitua, na kukusamehe kabisa kana kwamba hakuna chochote ulichowahi kumkosea..Na atakupa amani.

Hivyo kama leo ni siku yako ya kuyasalimisha maisha yako kwake, jambo la kwanza unalopaswa kufahamu ni kwamba, unapaswa umaanisha kutoka katika moyo wako, kuwa kuanzia sasa, wewe na dhambi basi, wewe na ulimwengu basi kabisa..

Hivyo kama umeshakuwa tayari kufanya hivyo basi..

Basi, hapo ulipo, chukua muda mchache ujitenge peke yako. Kisha piga magoti, kisha fuatisha sala hii kwa Imani, ukijua kuwa Mungu yupo hapo

karibu na wewe pembeni yako kukusikia..Kisha ukiwa sasa katika utulivu  
Sema sala hii kwa sauti.

EE MUNGU BABA, NAJA MBELE ZAKO, NIKIWA NINAJITAMBUA  
KUWA MIMI NI MKOSAJI NA NIMEKUTENDA DHAMBI NYINGI,  
NA KWAMBA NIMESTAHILI HUKUMU. LAKINI WEWE MUNGU  
WANGU ULISEMA KATIKA NENO LAKO KUWA WEWE NI  
MUNGU WA REHEMA UNAYEWAREHEMU MAELFU ELFU YA  
WATU WANAOKUPENDA WEWE. NA LEO HII NINAKUJA MBELE  
ZAKO NAHITAJI MSAMAHA WAKO NA MSAADA WAKO MUNGU  
WANGU, NINATUBU DHAMBI ZANGU ZOTE KWA KUMAANISHA  
NA KWA MOYO WANGU WOTE, NINAKIRI KUWA YESU KRISTO  
NI BWANA, NA YEYE NDIYE MWOKOZI WA HUU  
ULIMWENGUNI. HIVYO NAOMBA DAMU YA MWANAO  
TAKATIFU INISAFISHE UOVU WANGU WOTE SASA NIFANYIKE  
KUWA KIUMBE KIPYA KUANZIA LEO NA HATA MILELE.

ASANTE BWANA YESU KWA KUNIPOKEA NA KUNISAMEHE.

AMEN.

Sasa ikiwa umefuatisha sala hiyo kwa Imani ..Hatua iliyobakia kwako ni  
kuithitisha toba yako kwa Vitendo ikiwa ulikuwa unafanya mambo yote

ambayo hayampendezi Mungu unayaacha na kujitenga nayo, Sasa Mungu akishaona umegeuka kwa vitendo basi toba yako anaipokea na atakuwa na uhalali kwa kuja ndani yako wakati huo huo na kufanya makao ya milele kwako.

Vile vile unahitaji, kutafuta kanisa la kiroho ambalo utajumuika na wakristo wengine katika kumwambudu Mungu, na kujifunza biblia ili uukulie wokovu. Na vilevile ili upate ubatizo sahihi wa kuzamishwa katika maji mengi na kwa jina la YESU KRISTO kwa ajili ya ondoleo la dhambi zako.


Hongera kwa kuokoka.

Hivyo ikiwa utahitaji msaada zaidi basi, wasiliana nasi kwa namna hizi hapa chini..+255 789001312

Pia unaweza ukatutumia ujumbe tukuunge kwenye magroup yetu ya Whatsapp ya kujifunza Neno la Mungu.

Vile vile tunakualika kutembelea website hii, yenye mafundisho ya Neno la Mungu zaidi ya 1000, na maswali na majibu mengi sana yaliyojibiwa. Tazama chini, usome baada ya hayo.

Na Bwana akubariki sana.

 **jiunge na magroup yetu ya whatsapp kwa kubofya hapa >**  
**Group-whatsapp**

**Mada Nyinginezo:**

*MWAKA WA BWANA ULIOKUBALIWA.*

*RABI, UNAKAA WAPI?*

*TAZAMA, MWISRAELI KWELI KWELI, HAMNA HILA NDANI YAKE!*

*TOBA IGUSAYO MOYO WA BWANA.*

*KWANINI AWE NI PUNDA NA MWANA-PUNDA?*

*UNYAKUO.*

*UPENDO NI NINI NA JE! KUNA AINA NGAPI ZA UPENDO?*

### **Rudi Nyumbani:**

Share on:  
WhatsApp

[Print this post](#)